

六禮宿遷書

又

備急方

二仲仲堂

第五冊

卷五

治癰疽妬乳諸毒腫方

治腸癰肺癰方

治卒發丹火惡毒瘡方

治癩癬疥漆諸惡瘡方

治卒得癩皮變黑方

治卒得蟲鼠諸瘻方

治卒陰腫痛頽卵方

白芍藥散

白芍藥散

白芍藥散

白芍藥散

白芍藥散

卷五

頽卵

葛仙翁肘後備急方卷之五

瘦樵程永培校

治癰疽妬乳諸毒腫

隱居效方治羊疽瘡有蟲

附子八分藜蘆二分末傅之蟲自然出

葛氏療妳發諸癰疽發背及乳方

比灸其上百壯

又方熬粢粉令黑雞子白和之塗練上以貼癰小

穿練上作小口泄毒氣燥易之神秘

又方釜底煤搗以雞子中黃和塗之加少豉彌良
又方搗黃檗末篩雞子白和厚塗之乾復易差
又方燒鹿角搗末以苦酒和塗之佳

又方於石上水磨鹿角取濁汁塗癰上乾復易隨
手消

又方末半夏雞子白和塗之水磨傅並良
又方神效水磨出小品

又方醋和茱萸若搗薑或小蒜傅之並良

一切惡毒腫

蔓菁根一大握無以龍葵根代之乳頭香一兩
光明者黃連一兩宣州者杏仁四十九枚去尖
用柳木取三四錢白色者各細剉搗三二百杵
團作餅子厚三四分可腫處大小貼之乾復易

立散別貼膏藥治瘡處佳

葛氏療癰發數十處方

取牛矢燒搗末以雞子白和塗之乾復易神效
又方用鹿角桂雞屎別搗燒合和雞子白和塗乾
復止

又癰已有膿當使壞方

取白雞兩翅羽肢各一枚燒服之卽穿姚同

又方吞薏苡子一枚勿多

又方以苦酒和雀矢塗癰頭上如小豆

葛氏若已結癰使聚不更長方

小豆末塗若雞子白和尤佳卽差

又方芫花末膠汁和貼上燥復易化爲水
若潰後膿血不止急痛

取生白楸葉十重貼上布帛寬縛之

乳腫

桂心甘草各二分烏頭一分炮搗爲末和苦酒

塗紙覆之膿化爲水則神效

葛氏婦女乳癰妬腫

削柳根皮熟搗火溫帛囊貯熨之冷更易大良
又方取研米槌煮令沸絮中覆乳以熨上當用二
枚疔熨之數十迴止姚云神效

乳癰方

大黃茵草伏龍肝竈下黃土也生薑各二分先
以三物搗篩又合生薑搗以醋和塗乳痛則止
極驗劉涓子不用生薑用生薑四分分等余比
見用鯽魚立驗此方小品佳

姚氏乳癰

大黃鼠糞濕者黃連各一分二物爲末鼠矢更
搗以黍米粥清和傳乳四邊痛卽止愈無黍米
用粳米並得

又方牛馬矢傳並佳此並消去

小品妬方

黃芩白歛芍藥分等末篩漿服一錢七日五服
若右乳結者將左乳汁服左乳結者將右乳汁

服散消根姚同此方必愈

姚方搗生地黃傳之熱則易小豆亦佳

又云二三白衆療不差但堅紫色者

又用前柳根皮法云熬令溫熨腫一宿愈

凡乳汁不得洩內結名妬乳乃急於癰

徐玉療乳中癰癧起痛方

大黃黃連各三兩水五升煮取一升二合分三

服得下卽愈

葛氏卒毒腫起急痛方

蕪菁根大者削去上皮熟搗苦酒和如泥煮三
沸急攪之出傅腫帛裹上日再三易用子亦良
又方燒牛矢末苦酒和傅上乾復易

又方水和石灰封上又苦酒磨升麻若青木香或
紫檀以磨傅上良

又方取水中萍子草熟搗以傅上

又已入腹者

備急方
麝香薰陸香青木香雞舌香各一兩以水四升
煮取二升分爲再服

若惡核腫結不肯散者

吳茱萸小蒜分等合搗傅之丹蒜亦得

又方搗鯽魚以傅之

若風腫多痒按之隨手起或隱癢方

但令痛以手摩捋抑按日數度自消

又方以苦酒磨桂若獨活數傅之良

身體頭面忽有暴腫處如吹方

巴豆三十枚連皮碎水五升煮取三升去滓綿
沾以拭腫上趁手消勿近口

皮肉卒腫起狹長赤痛名膈

鹿角五兩白欬一兩牡蠣四兩附子一兩搗篩

和苦酒塗帛上燥復易

小品癰結腫堅如石或如大核色不變或作石癰

不消

鹿角八兩燒作灰白歛二兩麤理黃色磨石一
斤燒令赤三物搗作末以苦酒和泥厚塗癰上
燥更塗取消止內服連翹湯下之姚方云燒石
令極赤內五升苦酒中復燒又內苦酒中令減
半止搗石和藥先用所餘苦酒不足添上用
姚方若發腫至堅而有根者名曰石癰

當上灸百壯石子當碎出不出者可益壯癰疽
痛石癰結筋癩癰皆不可就針角針角者少有

不及禍者也

又癰未潰方

萹草末和雞子白塗紙令厚貼上燥復易得痛
自差

癰腫振熨不可忍方

大黃搗篩以苦酒和貼腫上燥易不過三卽差
減不復作膿自消除甚神驗也

癰腫未成膿

取牛耳垢封之即愈

若惡肉不盡者食肉藥食去以膏塗之則愈食肉
方取白炭灰荻灰等分煎令如膏此不宜預作
十日則歇并可與去黑子此大毒若用效驗本
方用法

凡癰腫用

括萋根赤小豆皆當內苦酒中五宿出熬之畢
搗爲散以苦酒和塗紙上貼腫驗

隱居效方消癰腫

白斂二分藜蘆一分爲末酒和如泥貼上日三

大良

疽瘡骨出

黃連牡蠣各二分爲末先鹽酒洗後傳

葛氏忽得燂疽著手足肩累累如米豆刮汁出急

療之

熬蕪菁熟搗裹以展轉其上日夜勿止

若發疽於十指端及色赤黑甚難療宜按大方非
單方所及

若骨疽積年一捏一汁出不差

熬末膠粘勃瘡上乃破生鯉魚以搗之如炊頃
刮視有小蟲出更洗傅藥蟲盡則便止差

姚方云燂疽者肉中忽生一豔子如豆粟劇者如
梅李大或赤或黑或白或青其壓有核核有深根
應心少久四面悉腫疱黯紫黑色能爛壞筋骨

毒入臟腑煞人南方人名爲揄著毒

著厚肉處皆割之亦燒鐵令赤烙毒三上令焦
如炭亦灸黯炮上百壯爲佳早春酸蓼葉薄其
四面防其長也飲葵根汁犀角汁升麻汁折其
熱內外療依丹毒法也

劉涓子療癰疽發壞出膿血生肉黃耆膏

黃耆芍藥大黃當歸芎藭獨活白芷薤白各一
兩生地黃三兩九物切猪膏二升半煎三上三

下膏成絞去滓傳充瘡中摩左右日三

又丹癰疽始發浸淫進長并少小丹搗方

升麻黃連大黃芎藭各二兩黃芩芒消各三兩
當歸甘草炙羚羊角各一兩九物咬咀水一斗
三升煮取五升去滓還內錙中後下芒消上杖攪
成膏適冷熱貼帛搗腫上數度便隨手消散王
練甘林所祕方慎不可近陰

又燂瘡浸淫多汁日就浸大胡粉散

胡粉熬甘草炙藜茹黃連各二分四物搗散篩以粉瘡目三極驗

諸疽瘡膏方

蠟亂髮礬石松脂各一兩猪膏四兩五物先下

髮髮消下礬石礬石消下松脂松脂消下蠟蠟

消下猪膏塗瘡上

赤龍皮湯洗諸敗爛瘡方

榭樹皮切三升以水一斗煮取五升春夏冷用

秋冬溫用洗乳瘡及諸敗瘡洗了則傳膏

發背上初欲疥便服此大黃湯

大黃甘草炙黃芩各二兩升麻二兩梔子一百
枚五物以水九升煮取三升半服得快下數行
便止不下則更服

療發背及婦人發乳及腸癰木占斯散

木占斯厚朴炙甘草炙細辛栝樓防風乾薑人
參桔梗敗醬各一兩十物搗爲散酒服方寸匕

晝七夜四以多爲善病在上常吐在下膿血此
謂腸癰之屬其癰腫卽不痛長服療諸疽痔若
瘡已潰便早愈發背無有不療不覺腫去時長
服去敗醬多療婦人發乳諸產癥瘕益良並劉
涓子方

劉涓子療癰消膿木占斯散方

木占斯桂心人參細辛敗醬乾薑厚朴炙甘草
炙防風桔梗各一兩十物爲散服方寸匕入咽

覺流入瘡中若癰疽灸不發壞者可服之瘡未
壞去敗醬此藥或時有癰令成水者

癰腫瘰癧核不消白蔞薄方

白蔞黃連大黃黃芩萵草赤石脂吳茱萸芍藥
各四分八物搗篩以雞子白和如泥塗故帛上
薄之開小口乾卽易之差

發背欲死者

取冬瓜截去頭合瘡上瓜當爛截去更合之瓜

未盡瘡已歛小矣卽用膏養之

又方伏龍肝末之以酒調厚傅其瘡口乾卽易不

日平復

又方取梧桐子葉斂上煨成灰絹羅蜜調傅之乾

卽易之

癰腫雜效方療熱腫

以家芥子并栢葉搗傅之無不愈大驗得山芥
更妙又搗小芥子末醋和作餅子貼腫及癩癧

數看消卽止恐損肉此療馬附骨良

又方燒人糞作灰頭醋和如泥塗腫處乾數易大
驗

又方取黃色雄黃雌黃色石燒熱令赤以大醋沃
之更燒醋沃其石卽軟如泥刮取塗腫若乾醋
和此大祕要耳

灸腫令消法

取獨顆蒜橫截厚一分安腫頭上炷如梧桐子

大灸蒜上百壯不覺消數數灸唯多爲善勿令
大熱但覺痛卽擎起蒜蒜焦更換用新者不用
灸損皮肉如有體乾不須灸余嘗小腹下患大
腫灸卽差每用之則可大效也

又方生參

頭上核又磁石末和醋傅之

又方甘草

塗此蕉子不中食

又方雞腸草傅

又方白蔞末傅並良

又熱腫癩

煇膠數塗一日十數度卽差療小兒癩子尤良
每用神效

一切毒腫疼痛不可忍者

搜麩團腫頭如錢大滿中安椒以麩餅子蓋頭

上灸令徹痛卽立止

又方搗草麻人傅之立差

手脚心風毒腫

生椒末鹽末等分以醋和傅立差

癰疽生臭惡肉者

以白藺茹散傅之看肉盡便停但傅諸膏藥若
不生肉傅黃耆散藺茹黃耆止一切惡肉仍不
盡者可以七頭赤皮藺茹爲散用半錢匕和白
藺茹散三錢匕以傅之此姚方差

惡脉病身中忽有赤絡脉起如蚓狀

此由春冬惡風入絡脈之中其血瘀所作宜服

之五香連翹去血傳丹參膏積日乃差余度
山嶺卽患常服五香湯傳小豆得消以下並姚

方

惡核病者肉中忽有核如梅李小者如豆粒皮中
慘痛左右走身中壯熱瘵惡寒是也此病卒然而
起有毒入腹殺人南方多有此患

宜服五香連翹湯以小豆傳之立消若餘核亦
得傳丹參膏

惡肉病者身中忽有肉如赤小豆粒突出便長如
牛馬乳亦如雞冠狀亦宜服漏蘆湯外可以燒鐵
烙之日三烙令稍焦

以升麻膏傅之

氣痛之病身中忽有一處如打撲之狀不可堪耐
而左右走身中發作有時痛靜時便覺其處冷如
霜雪所加

此皆由冬溫至春暴寒傷之宜先服五香連翹

數劑又以白酒煮楊柳皮暖熨之有赤點點處
宜鑷去血也

五香連翹湯療惡肉惡脈惡核瘰癧風結腫氣痛
木香沉香雞舌香各二兩麝香半兩薰陸一兩
射干紫葛升麻獨活寄生甘草炙連翹各二
兩大黃三兩淡竹瀝三升十三物以水九升煮

減半內竹瀝取三升分三服大良

漏蘆湯療癰疽丹癰毒腫惡肉

漏蘆白欽黃芩白薇枳實炙升麻甘草炙芍藥
麻黃去節各二兩大黃三兩十物以水一斗煮
取三升若無藥用大黃下之佳其丹毒須針鏡
去血

丹參膏療惡肉惡核癰癧風結諸脈腫

丹參蒟藿各二兩秦芫獨活烏頭白及牛膝菊
花防風各一兩萵草葉躑躅花蜀椒各半兩十
二物切以苦酒五升漬之一宿豬膏四斤俱煎

之令酒竭勿過燹去滓以塗諸疾上日五度塗
故布上貼之此膏亦可服得火行卽須少少服

小品司

升麻膏療丹毒腫熱瘡

升麻白歛漏蘆芒消各二兩黃芩枳實連翹虵
吻各三兩梔子二十枚蒴藿根四兩十物切春
令細納器中以水三升漬半日以豬脂五升煎
令水竭去滓傳之日五度若急合卽水煎極驗

方

葛氏療卒毒腫起急痛

柳白皮酒煮令熱熨上痛止

附方

勝金方治發腦發背及癰疽熱癩惡瘡等

臘月兔頭細剉入瓶內密封惟久愈佳塗帛上

厚封之熱痛傅之如冰頻換差

千金方治發背癰腫已潰未潰方

香豉三升少與水和熟擣成泥可腫處作餅子
厚三分已上有孔勿覆孔上布豉餅以艾烈其
上灸之使溫溫而熱勿令破肉如熱痛卽急易
之患當減快得分穩一日二度灸之如先有瘡
孔中汁出卽差

外臺祕要療惡寒齋齋似欲發背或已生瘡腫癰
瘰起方

滑石三兩以暖水一升和令消待冷取故青布

搭三重可似赤處方圓濕布搗之熱卽換頻易
立差

集驗方治發背

以蝸牛一百箇活者以一升淨瓶入蝸牛用新
汲水一盞浸瓶中封緊自晚至明取出蝸牛放
之其水如涎將真蛤粉不以多少旋調傅以雞
翎掃之瘡上日可十餘度其熱痛止瘡便愈

崔元亮海上方治發背祕法李北海云此方神授

極奇祕

以甘草三大兩生搗別篩末大麥麩九兩於大盤中相和攪令勻取上等好酥少許別捻入藥令勻百沸水搜如餅子劑方圓大於瘡一分熱傳腫上以油片及故紙隔令通風冷則換之已成膿水自出未成腫便內消當患腫著藥時常須喫黃耆粥甚妙

又一法甘草一大兩微炙搗碎水一大升浸之器

上橫一小刀子置露中經宿平明以物攪令沫
出吹沫服之但是瘡腫發背皆可服甚效

梅師方治諸癰疽發背或發乳房初起微赤不急

治之即死速

消方

搗芩根傳之數易

聖惠方治附骨疽及魚眼瘡

用狗頭骨燒烟薰之

張文仲方治石癰堅如石不作膿者

生章陸根搗擦之燥卽易取軟爲度

子母秘錄治癰疽痔瘻瘡及小兒丹

水煮棘根汁洗之

又方末鱗鱉傅之

小品方治疽初作

以赤小豆末醋和傅之亦消

博濟方治一切癰腫未破疼痛令內消

以生地黄杵如泥隨腫大小攤於布上糝木香末於中又再攤地黄一重貼於腫上不過三五度

日華子云消腫毒

水調決明子末塗

食療治癰腫

栝樓根苦酒中熬燥搗篩之苦酒和塗紙上攤貼服金石人宜用

備急方
楊文蔚方治癰未潰

枯樓根赤小豆等分爲末醋調塗
千金方治諸惡腫失治有膿

燒棘針作灰水服之經宿頭出

又方治癰瘡中冷瘡口不合

用鼠皮一枚燒爲灰細研封瘡口上

孫真人云主癰發數處

取牛糞燒作灰以雞子白和傅之乾卽易

孫真人食忌生一切熱毒腫

章陸根鹽少許傅之日再易

集驗方治腫

柳枝如脚指大長三尺二十枚水煮令極熱以故布裏腫處取湯熱洗之卽差

又方治癰一切腫未成膿拔毒

牡蠣白者爲細末水調塗乾更塗

又方治毒熱足腫疼欲脫

備急方 卷之五
酒煮苦參以漬之

外臺祕要治癰腫

伏龍肝以蒜和作泥塗用布上貼之如乾則再
易

又方凡腫已潰者

以白膠一片水漬令軟納納然腫之大小貼當
頭上開孔若已潰還合者膿當被膠急撮之膿
皆出盡未有膿者腫當自消矣

又方燒鯉魚作灰酢和塗之一切腫上以差爲度
又療熱毒病攻手足腫疼痛欲脫方

取蒼耳汁以漬之

又方水煮馬糞汁以漬之
又方急治毒攻手足腫疼痛欲斷

猪蹄一具合葱煮去滓內少許鹽以漬之

經驗後方治一切癰腫無頭

以葵菜子一粒新汲水吞下須臾卽破如要兩

處破服兩粒要破處逐粒加之驗

又方治諸癰不消已成膿懼針不得破令速決

取白雞翅下第一毛兩邊各一莖燒灰研水調服之

又梅師方取雀屎塗頭上卽易破雄雀屎佳堅者爲雄

謹按雄黃治瘡瘍尙矣

周禮瘍醫凡療瘍以五毒攻之鄭康成注云今

醫方有五毒之藥作之合黃堊置石膽丹砂雄
黃礬石磁石其中燒之三日三夜其煙上著以
雞羽掃取之以注創惡肉破骨則盡出故翰林
學士楊億嘗筆記直史館楊囑年少時有瘍生
於頰連齒輔車外腫若覆甌內潰出膿血不輟
吐之痛楚難忍療之百方彌年不差人語之依
鄭法合燒藥成注之創中少頃朽骨連兩牙潰
出遂愈後更安寧信古方攻病之神也黃堊若

今市中所貨有蓋瓦合也近世合丹藥猶用黃
瓦甌亦名黃墜事出於古也

墜音武

梅師方治產後不自乳見畜積乳汁結作癰取蒲
公草搗傅腫上日三四度易之俗呼爲蒲公英
語訛爲僕公嚮是也水煮汁服亦得

又方治妬乳乳癰

取丁香搗末水調方寸匕服

又方治乳頭裂破

搗丁香末傅之

千金方治妬乳

梁上塵醋和塗之亦治陰腫

靈苑方治乳痛癰初發腫痛結硬欲破膿令一服

差以北來真樺皮無灰酒服方寸匕就之臥及

覺已差

聖惠方主婦人乳癰不消

右用白麩半斤炒令黃色用醋煮爲糊塗於乳

上卽消

產寶治乳及癰腫

雞屎末服方寸七須臾三服愈梅師方亦治乳

頭破裂方同

簡要濟衆治婦人乳癰汗不出內結成膿腫名妬

乳方

露蜂房燒灰研每服二錢水一中盞煎至六分

去滓溫服

又方治吹妳獨勝散

白丁香半兩搗羅爲散每服一錢七溫酒調下

無時服

子母秘錄療吹妳惡寒壯熱

豬肪脂以冷水浸榻之熱卽易立效

楊炎南行方治吹妳疼痛不可忍

用穿山甲炙黃木通各一兩自然銅半兩生用

食三味搗羅爲散每服二錢溫酒調下不計時候

食醫心鏡云治吹妳不痒不痛腫硬如石

以青橘皮二兩湯浸去穢焙爲末非時溫酒下

二錢七

治腸癰肺癰方第三十七

葛氏大人小兒卒得惡瘡不可名識者

燒竹葉和雞子中黃塗差

又方取蛇牀子合黃連二兩末粉瘡上燥者猪脂

和塗差

又方燒蛇皮末以猪膏和塗之

又方煮柳葉若皮洗之亦可內少鹽此又療面上

瘡

又方臘月猪膏一升亂髮如雞子大生鱖魚一頭

合煎令消盡又內雄黃苦參末二兩大附子一

枚末絞令凝以傳諸瘡無不差胡洽療癩疽疥

大效

瘡中突出惡肉者

末烏梅屑傳之又末硫黃傳上燥者唾和塗之
惡瘡連痂痒痛

搗扁豆封痂落卽差近方

小品療癩癬疥惡瘡方

水銀礬石蛇牀子黃連各二兩四物搗篩以臘
月猪膏七合并下水銀攪萬度不見水銀膏成
傳瘡并小兒頭瘡良襲慶宣加藺茹一兩療諸
瘡神驗無比

姚療癩疥

雄黃一兩黃連二兩松脂二兩髮灰如彈丸四
物鎔猪膏與松脂合熱搗以薄瘡上則大良

又療惡瘡粉方

水銀黃連胡粉熬令黃各二兩下篩粉瘡瘡無
汁者唾和之

小兒身中惡瘡

取筍汁自澡洗以筍殼作散傅之

人體生惡瘡似火自爛

胡粉熬黑黃檗黃連分等下篩粉之也

卒得惡瘡

蒼耳桃皮作屑內瘡中佳

頭中惡瘡

胡粉水銀白松脂各二兩臘月猪膏四兩合松
脂煎以水銀胡粉合研以塗上日再胡洽云療
小兒頭面瘡又一方加黃連二兩亦療得禿瘡

惡瘡雄黃膏方

雄黃雌黃並末水銀各一兩松脂二兩猪脂半
斤亂髮如雞子大以上合煎去滓內水銀傅瘡
日再

效方惡瘡食肉雄黃散

雄黃六分藺茹礬石各二分末瘡中日二

療瘡方最去面上粉刺方

黃連八分糯米赤小豆各五分吳茱萸一分胡

粉水銀各六分搗黃連等下篩先於掌中研水
銀使極細和藥使相入以生麻油總稀稠得所
洗瘡拭乾傳之但是瘡卽療神驗不傳

甘家松脂膏療熱瘡尤啣膿不痂無癢方

松脂白膠香薰陸香各一兩當歸蠟各一兩半
甘草一兩並切猪脂羊腎脂各半合許生地黃
汁亦半合以松脂等末內脂膏地黃汁中微火
煎令黃下蠟絞去滓塗布貼瘡極有驗甘家秘

不能傳此是半劑

地黃膏療一切瘡已潰者及灸貼之無痂生肉去

膿神秘方

地黃汁一升松脂二兩薰陸香一兩羊腎脂及
牛酥各如雞子大先於地黃汁煎松脂及香令
消卽內羊脂酥并更用蠟半雞子大一時相和
緩火煎水盡膏成去滓塗帛貼瘡日一二易加
故緋一片亂髮一雞子許大療年深者十餘日

卽差生肉秘法

婦人頰上瘡差後每年又發甘家秘方塗之永差
黃礬石二兩燒令汁盡胡粉一兩水銀一兩半
搗篩礬石胡粉更篩先以片許豬脂於篋器內
熟研水銀令消盡更加豬脂并礬石胡粉和使
粘稠洗面瘡以塗上又別熬胡粉令黃塗膏訖
則薄此粉數日卽差甘家用大驗

療癩瘡但是腰脚已下名爲癩此皆有蟲食之蟲

死卽差此方立驗

醋泔澱一椀大麻子一盞白沙鹽末各一抄和
掩以傳瘡乾更傳先溫泔淨洗拭乾傳一二度

卽差孔如針穴皆蟲食大驗日又誠文無失以

效方惡瘡三十年不愈者用此方治之

大黃黃芩黃連各一兩爲散洗瘡淨以粉之日

三無不差又黃蘗分等亦佳

葛氏療白禿方好去氣又瘡口又瘡腫上取貝

殺猪卽取肚破去屎及熱以反搗頭上須臾蟲
出著肚若不盡更作取令無蟲卽休

又方末熬蘆以臘月猪膏和塗之五月漏蘆草燒
作灰膏和使塗之皆先用鹽湯洗乃傳

又方羊蹄草根獨根者勿見風日及婦女雞犬以
三年醋研和如泥生布拭瘡令赤以傳之

姚方以羊肉如作脯法炙令香及熱以榻上不過

三四日差

又方先以阜茨湯熱洗拭乾以少油摩塗再三卽
差

附方

千金方治遍身風痒生瘡疥

以蒺藜子苗煮湯洗之立差千金翼方同

又方茵陳蒿不計多少煮濃汁洗之立差

千金翼方瘡癬初生或始痛痒

以薑黃傅之妙

備急方 卷之五
又方嚼鹽塗之妙

又方漏瘡瘡濕癬痒浸淫日瘙痒不可忍搔之黃
水出差後復發

取羊蹄根去土細切搗以大醋和淨洗傅上一
時間以冷水洗之日一傅差若爲末傅之妙

外臺秘要治癬瘡方

取蟾蜍燒灰末以猪脂和傅之

又方治乾癬積年生痂瘙之黃水出每逢陰雨卽

痒用斑猫半兩微炒爲末蜜調傅之

又治疥方

搗羊蹄根和猪脂塗上或著鹽少許佳

斗門方治疥癬

取用藜蘆細搗爲末以生油調傅之

王氏博濟治疥癬滿身作瘡不可治者

何首烏艾等分以水煎令濃於盆內洗之甚能

解痛生肌肉

簡要濟衆治癬瘡久不差

羊蹄根搗絞取汁用調膩粉少許如膏塗傅癬
上三五遍卽差如乾卽猪脂調和傅之

鬼遺方治疥癬

松膠香研細約酌入少輕粉袞令勻凡疥癬上
先用油塗了擦末一日便乾頑者三兩度

聖惠方治癬濕痒

用楮葉半斤細切搗爛傅癬上

楊氏產乳療瘡疥

燒竹葉爲末以雞子白和之塗上不過三四次

立差

十全方治疥瘡

巴豆十粒火炮過黃色去皮膜右順手研如麩

入酥少許膩粉少許同研勻爪破以竹篦子點

藥不得落眼裏及外腎上如熏灸著外腎以黃

丹塗甚妙

經驗方治五般瘡癬

以韭根炒存性旋搗末以豬脂油調傅之三度

差

千金方療漆瘡

用湯潰芒硝令濃塗之乾卽易之

譚氏治漆瘡

漢椒湯洗之卽愈

千金翼治漆瘡

羊乳傳之

集驗方治漆瘡

取蓮葉乾者一斤水一斗煮取五升洗瘡上日
再差

斗門方治漆咬

用韭葉研傳之食醫心鏡同

千金方主大人小兒風癩癰癧心迷悶方

巴豆二兩搥破以水七升煮取三升以帛染拭

之

外臺秘要塗風癩

取枳實以醋漬令濕火炙令熱適寒溫用熨上
卽消

斗門方治癧癧

楝皮濃煎浴之

梅師方治一切癧

以水煮枳殼爲煎塗之乾卽又塗之

又方以水煮芒硝塗之

又治風癩瘡方

以水煮蜂房取二升入芒硝傳上日五度卽差
聖惠方治風瘙癩瘡遍身痒成瘡

用蠶沙一升水二斗煮取一斗二升去滓温熱
得所以洗之宜避風

千金翼療丹癩瘡方

酪和鹽熱煮以摩之手下消

又主大人小兒風癩

菜莢一升酒五升煮取一升帛染拭之

初虞世治皮膚風熱遍身生癩癬

牛蒡子浮萍等分以薄荷湯調下二錢日二服
經驗後方治肺毒瘡如大風疾綠雲散

以桑葉好者淨洗過熟蒸一宿後日乾爲末水
調二錢七服

又方急治卒得浸淫瘡轉有汁多起心早治之差

身周匝則殺人

以雞冠血傅之差

又方療大人小兒卒得月蝕方

於月望夕取兔屎及內蝦蟇腹中合燒爲灰末
以傅瘡上差

集驗方療月蝕瘡

虎頭骨二兩搗碎同猪脂一升熬成膏黃取塗

瘡上

聖惠方治反花瘡

用馬齒莧一斤燒作灰細豬脂調傅之

又方治諸瘡胬肉如蝥出數寸

用硫黃一兩細研胬肉上薄塗之卽便縮

鬼遺方治一切瘡肉出

以烏梅燒爲灰研末傅上惡肉立盡極妙

簡要濟衆方傳瘡藥

黃藥子四兩爲末以冷水調傅瘡上乾卽旋傅

之

兵部手集治服丹石人有熱瘡疼不可忍方用紙
環圍腫處中心填硝石令滿匙杪水淋之覺其
不熱疼卽止

治頭瘡及諸熱瘡

先用醋少許和水淨洗去痂再用溫水洗裏乾
百草霜細研入膩粉少許生油調塗立愈

治惡瘡

唐人記其事云江左嘗有商人左膊上有瘡如人面亦無它苦商人戲滴酒口中其面亦赤色以物食之亦能食食多則寬膊內肉脹起或不食之則一臂痺有善醫者教其歷試諸藥金石草木之類悉試之無苦至貝母其瘡乃聚眉閉口商人喜曰此藥可治也因以小葦筒毀其口灌之數日成痂遂愈然不知何疾也謹按本經主金瘡此豈金瘡之類歟

治卒得癩皮毛變黑方第四十

癩病方

初覺皮膚不仁或淫淫苦痒如蟲行或眼前見
物如垂絲或癩瘡赤黑此卽急療蠻夷酒佳善
療白癩

苦參五斤酒三斗漬飲勿絕并取皮根末服效
驗

又方艾干莖濃煮以汁漬麴作酒常飲使醺醺姚

同

姚方大蝮蛇一枚切勿令傷以酒漬之大者一斗
小者五升以糠火溫令熟乃取蛇一寸許以臘
月猪膏和傅瘡差亦療鼠瘻諸惡瘡

又方

苦參二斤露蜂房二兩麩二斤水三斗漬藥二
宿去滓黍米二升釀熟稍飲日三一方加蝟皮
更佳

附方

聖惠方治大風癩疾骨肉疽敗百節疼酸眉鬢墮
落身體習習痒痛

以馬先蒿細剉炒爲末每空心及晚食前溫酒
調下二錢七

又方治大風疾令眉鬢再生

用側柏葉九蒸九曝搗羅爲末煉蜜和丸如梧
桐子大日三服夜一服熟水下五丸十九百日

卽生

又方治大風頭面髭髮脫落

以桑柴灰熱湯淋取汁洗面以大豆水研取漿
解澤灰味彌佳次用熱水入菘豆一斗煮取淨
不過洗沐十度良三日一沐頭一日一洗面

又方治白癩

用馬鞭草不限多少爲末每服食前用荊芥薄
荷湯調下一錢七

食療治癩

可取白蜜一斤生薑二斤搗取汁先稱銅鎔令
知斤兩卽下蜜於鎔中消之又秤知斤兩下薑
汁於蜜中微火煎令薑汗盡秤蜜斤兩在卽休
藥已成矣患三十年癩者平旦服棗許大一丸
一日三服酒飲任下忌生冷醋滑臭物功用甚
多活人衆矣不能一一具之

外臺秘要治惡風疾

松脂煉投冷水中二十次蜜丸服二兩饑卽服
之日三鼻柱斷離者二百日差斷鹽及房室

抱朴子云

趙瞿病癩歷年醫不差家乃齋糧棄送於山穴
中瞿自怨不幸悲歎涕泣經月有仙人經穴見
之哀之具問其詳瞿知其異人也叩頭自陳乞
命於是仙人取囊中藥賜之教其服百餘日瘡
愈顏色悅肌膚潤仙人再過視之瞿謝活命之

恩乞遺其方仙人曰此是松脂彼中極多汝可
煉服之長服身轉輕力百倍登危涉險終日不
困年百歲齒不落髮不白夜臥常見有光大如
鏡

感應神仙傳云崔言者職隸左親騎軍一旦得疾
雙眼昏咫尺不辨人物眉髮自落鼻梁崩倒肌膚
有瘡如癰皆謂惡疾勢不可救因爲洋州駱谷子
歸寨使遇一道流自谷中出不言名姓授其方曰

阜角刺一二斤爲灰蒸久曬研爲末食上濃煎
大黃湯調一錢七服一旬鬢髮再生肌膚悅潤
愈眼目倍常明得此方後却入山不知所之

朝野僉載云

商州有人患大風家人惡之山中爲起茅屋有
烏蛇墜酒罌中病人不知飲酒漸差罌底尚有
蛇骨方知其由也用道謹按李肇國史補云李
舟之弟患風或說蛇酒治風乃求黑蛇生置甕

中醞以麴蘖數日蛇聲不絕及熟香氣酷烈引
滿而飲之斯須悉化爲水唯毛髮存焉僉載之
說恐不可輕用

治卒得蟲鼠諸瘻方第四十一

後有瘰癧

姚云凡有腫皆有相主患者宜檢本方多發頭兩
邊累累有核

姚方鼠瘻腫核痛未成膿方

以柏葉傅著腫上熬鹽著葉上熨令熱氣下卽

葛氏卒得鼠癩有癩癧未發瘡而速熱者速療方
搗烏雞足若車前草傳之

若已有核膿血出者

以熱牛屎塗之日三

又方取白鮮皮煮服一升常吐鼠子

又方取猫狸一物料理作羹如食法空心進之鼠
子死出又當生吞其功彌效

又方取鼠中者一枚亂髮如雞子大以三歲臘月
猪脂煎之令鼠骨肉及髮消盡半塗之半酒服
鼠從瘡中出姚云秘不傳之法

劉涓子鼠瘦方

以龜殼甘草炙桂心雄黃乾薑狸骨炙六物分
等搗下蜜和內瘡中無不差先灸其瘡後與藥
良

又方柞木皮五升以酒一斗合煎熟出皮煎汁令

得二升服之盡有宿肉出愈

又癩瘡坐肉膏

棟樹白皮鼠肉當歸各二兩薤白三兩生地黃
五兩臘月猪脂三升煎膏成傅之孔上令生肉
葛氏若瘡多而孔小是蟻癩方

燒鱸鯉甲猪膏和傅

又方燒蜘蛛二七枚傅良

又癩方

煎桃葉枝作煎淨洗瘡了內孔中大驗方

葛氏若著口裏

東行棟根細剉水煮取清汁含之數吐勿嚥

肉瘦方

槐白皮搗丸綿裹內下部中傳效

鼠瘻方

石南生地黃雌黃茯苓黃連各二兩爲散傳瘡

上日再

清急方

卷之五

書

於然室

又方礬石三分燒斑猫一分炙去頭足搗下用醋
和服半匕須臾瘰癧從小便中出刪繁方

附方

治風癩

露蜂房一枚炙令黃赤色爲末每用一錢臘月

猪脂勻調傅瘡上

千金方治癩

以雞子一枚米下熬半日取出黃熬令黑先拭

瘡上汁令乾以藥內瘡孔中三度卽差

千金翼治蟻瘻

取鮫鯉甲二七枚末猪膏和傅之

聖惠方治蝮蛄瘻

用槲葉燒灰細研以泔別浸槲葉取洗瘡拭之

內少許灰於瘡中

又方治一切瘻

煉成松脂末填瘡孔令滿日三四度用之

備急方 卷之五
治卒陰腫痛頹卵方第四十二

葛氏男子陰卒腫痛方

灸足大指第二節下橫文理正中央五壯佳姚
云足大指本三壯

又方桃核中仁熬末酒服如彈丸姚云不過三
又方竈中黃土末以雞子黃和傅之蛇牀子末和
雞子黃傅之亦良

又方搗蕪菁根若馬鞭草傅並良姚同

又方雞翮六枚燒并蛇牀子末分等合服少隨卵
左右傳卵佳姚方無蛇牀子

小兒陰疝發時腫痛

依仙翁前灸法隨左右灸差

隨痛如刺方

但服生射干汁取下亦可服丸藥下之云作走
馬湯亦在尸注中有

陰丸卒縮入腹急痛欲死名陰疝

狼毒四兩防風二兩附子三兩燒蜜丸服三丸
如桐子大日夜三度

陰莖中卒痛不可忍

雄黃礬石各二兩甘草一尺水五升煮取二升
潰姚云療大如斗者

葛氏男子陰瘡損爛

煮黃檗洗之又白蜜塗之

又方黃連黃檗分等末之煮取肥猪肉汁潰瘡訖

粉之姚方蜜煎甘草末塗之比者見有陰頭項
下瘡欲斷者猪肉汁漬依姚方即神效

陰蝕欲盡者

蝦蟇兔矢分等末勃瘡上

陰痒汁出

嚼生大豆黃塗之亦療尿灰瘡

姚療陰痒生瘡

嚼胡麻塗之

葛療陰囊下濕痒皮剝

烏梅十四枚錢四十文三指撮鹽苦酒一升於
銅器內總漬九日日洗之又煮槐皮若黃檗汁
及香葉汁並良

療人陰生瘡膿出日方

高昌白礬一小兩搗細麻人等分研煉猪脂一
合於甕器中和攪如膏然後取槐白皮切作湯
以洗瘡上拭令乾卽取膏塗上然後以楸葉帖

上不過三

又陰瘡有二種

一者作曰膿出曰陰蝕瘡二者但亦作瘡名爲
熱瘡若是熱卽取黃檗一兩黃芩一兩切作湯
洗之仍取黃連黃蘗作末傅之

女子陰瘡

末硫黃傅上姚同又燒杏仁搗塗之

又方末雄黃礬石各二分麝香半分搗傅姚同

若陰中痛

礬石二分熬大黃一分甘草半分末綿裹如棗
以導之取差

若有息肉突出

以苦酒三升漬烏喙五枚三日以洗之日夜三
四度

若苦痒瘙之痛悶

取猪肝炙熟內陰中當有蟲著肝

小兒禿方

取白頭翁根搗傅一宿或作瘡二十日愈

灸頰

但灸其上又灸莖上又灸白小腹脉上及灸脚
大指三中灸一壯又灸小指頭隨頰左右著灸

姚氏方

楊柳枝如足大指大長三尺二十枚水煮令極
熱以故紙及氈掩腫處取熱柳枝更取拄之如

此取得差止

又卵頰

熟搗桃仁傅之亦療婦人陰腫燥卽易之

小品牡丹散療頰偏大氣脹方

牡丹防風桂心豉熬鐵精分等合搗下服方寸

七小兒一刀圭二十日愈大良嬰兒以乳汁和

如大豆與之

不用藥法療頰必差方

令病人自把糯米餅子一枚并阜莢刺一百箇
就百姓問坐社處先將阜煮刺分合社人社官
三老已下各付一針卽出餅子示人從頭至尾
皆言從社官已下乞針捶社人問人捶何物病
人云捶人魁周匝總訖針並插盡卽時餅却
到家收掌於一處餅乾頽不覺自散永差極神
效

附方

千金方有人陰冷漸漸冷氣入陰囊腫滿恐死日
夜疼悶不得眠

取生椒擇之令淨以布帛裹著丸囊令厚半寸
須臾熱氣大通日再易之取消差

又外臺秘要方

煮大薊根汁服之立差

梅師方治卒外腎偏腫疼痛

大黃末和醋塗之乾卽易之

又方桂心末和水調方寸匕塗之

又方治卒外腎偏疼

皁策和皮爲末水調傅之良

初虞世方治水癩偏大上下不定疼痛

牡蠣不限多少鹽泥固濟炭三斤煨令火盡冷
取二兩乾薑一兩炮右爲細末用冷水調稀稠
得所塗病處小便利卽愈

經驗方治丈夫本藏氣傷膀胱連小腸等氣金鈴

子一百箇温湯浸過去皮巴豆二百箇槌微破
麩二升同於銅鍋內炒金鈴子赤熟爲度放冷
取出去核爲末每服三錢非時熱酒醋湯調並
得其麩巴豆不用也

外臺秘要治膀胱氣急宜下氣
蕪荑搗和食鹽末二物等分以綿裹如棗大內
下部或下水惡汁并下氣佳

又治陰下濕

吳茱萸一升水三升煮三沸去滓洗痒差

又治陰頭生瘡

以蜜煎甘草塗之差

千金方治丈夫陰頭癰師所不能治

烏賊魚骨末粉傅之良

又千金翼方

鼈甲一枚燒令末以雞子白和傅之良

葛仙翁肘後備急方卷之五終



第六冊

卷六

治目赤痛暗昧刺諸病方

治卒耳聾諸病方

治耳爲百蟲雜物所入方

治卒食噎不下方

治卒諸雜物鯁不下方

治卒誤吞諸物及患方

治面炮髮禿身臭心昏鄙醜方

白卒煎

白卒煎

白卒煎

白卒煎

白卒煎

白卒

白卒

葛仙翁肘後備急方卷之六

注六

瘦樵程永培校

治目赤痛暗昧刺諸病方第四十三

華佗禁方

令病人自用手兩指擊所患眼垂空禁之曰疋
疋屋舍狹窄不容宿客卽出也

傷寒方末亦有眼方姚方目中冷淚出背赤痒乳

汁煎方

黃連三分麩仁二分乾薑四分以乳汁一升清
一宿微火煎取三合去滓取米大傅皆
睛爲所傷損破方

半旋日二點避風黑睛破亦差

附方

范注方主目中淚出不得開卽刺痛方

以鹽如大豆許內目中習習去鹽以冷水數洗
目差

博濟方治風毒上攻眼腫痒澁痛不可忍者或上
下臉皆赤爛浮翳癢肉侵睛神効驅風散五倍
子一兩蔓荊子一兩半同杵末每服二錢水二
盞銅石器內煎及一盞澄滓熱淋洗畱滓二服
又依前煎淋洗大能明眼目去澁痒

簡要濟衆治肝虛目睛疼冷淚不止筋脉痛及眼

羞明怕日補肝散

夏枯草半兩香附子一兩共爲末每服一錢臈

備急方 卷之六
茶調下無時

聖惠方治眼痒急赤澀用犬膽汁注目中

又方治風赤眼

以地龍十條炙乾爲末夜臥以冷茶調下二錢

七

又方治傷寒熱毒氣攻眼生白翳

用烏賊魚骨二兩不用肉皮杵末入龍腦少許
更研令細日三四度取少許點之

又方治久患內障眼

車前子乾地黃麥門冬等分爲末蜜丸如梧桐子大服屢効

治目方用黃連多矣而羊肝丸尤奇異

取黃連末一大兩白羊子肝一具去膜同於砂盆內研令極細衆手撚爲丸如梧桐子每食以煖漿水吞二七枚連作五劑差但是諸眼目疾及障翳青盲皆至之禁食猪肉及冷水劉禹錫

備急方 卷之六
云有崔承元者因官治一死罪囚出活之因後
數年以病自致死一旦崔爲內障所苦喪明逾
年後半夜歎息獨坐時聞階除間悉窣之聲崔
問爲誰曰是昔所蒙活者囚今故報恩至此遂
以此方告訖而沒崔依此合服不數月眼復明
因傳此方於世

又方今醫家洗眼湯

以當歸芍藥黃連等分停細以雪水或甜水煎

濃汁乘熱洗冷卽再溫洗甚益眼目但是風毒
赤目花翳等皆可用之其說云凡眼目之病皆
以血脉凝滯使然故以行血藥合黃連治之血
得熱卽行故乘熱洗之用者無不神効

又方治雀目不計時月

用蒼朮二兩搗羅爲散每服一錢不計時候以
好羊子肝一箇用竹刀子批破糝藥在內麻繩
纏定以粟米泔一大盞煮熟爲度患人先薰眼

藥氣絕卽喫之簡要濟衆治小兒雀目

梅師方治目暗黃昏不見物者

以青羊肝切淡醋食之者亦佳

又方治眼睛無故突一二寸者

以新汲水灌漬眼中數易水睛自入

崔元亮海上方著此三名一名西國草一名畢楞

伽一名覆盆子治眼暗不見物冷淚浸淫不止

及青盲天行目暗等取西國草日暴乾搗令極

爛薄綿裹之以飲男乳汁中浸如人行八九里
久用點目中卽仰臥不過三四日視物如少年
禁酒油麵

千金方點小兒黑花眼翳澀痛

用貝齒一兩燒作灰研如麵入少龍腦點之妙
又方常服明目洞視

胡麻一石蒸之三十遍末酒服每日一升

又方古方明目黑髮槐子於牛膽中漬陰乾百日

備急方
卷之六
食後吞一枚十日身輕三十日白髮黑百日內

通神

孫真人食忌主眼有翳

取芒消一大兩置銅器中急火上煉之放冷後
以生絹細羅點眼角中每夜欲臥時一度點妙
經驗方退翳明目白龍散

馬牙消光淨者用厚紙裹令按實安在懷內著
肉處養一百二十日取出研如粉入少龍腦同

研細不計年歲深遠眼内生翳膜漸漸昏暗遠
視不明但瞳人不破散並醫得每點用藥末兩
米許點目中

又方治內外障眼

蒼朮四兩米泔浸七日逐日換水後刮去黑皮
細切入青鹽一兩同炒黃色爲度去鹽不用木
賊二兩以童子小便浸一宿水淘焙乾同搗爲
末每日不計時候但飲食蔬菜內調下一錢七

備急方
服甚驗

經驗後方治虛勞眼暗

採三月蔓菁花陰乾爲末以井花水每空心調

下二錢七八服長生可讀夜書

外臺秘要主目翳及努肉

用礬石最白者內一黍米大於翳上及努肉上
卽冷淚出綿拭之令惡汁盡其疾日日減翳白
消薄便差礬石須真白好者方可使用

又補肝散治三十年失明

蒺藜子七月七日收陰乾搗散食後水服方寸

匕

又療盲

猪膽一枚微火上煎之可丸如黍米大內眼中

食頃良

又方治翳如重者

取猪膽白皮曝乾合作小繩子如麤釵股大小

燒作灰待冷便以灰點翳上不過三五度卽差
又方輕身益氣明目

蕪菁子一升水九升煮令汁盡日乾如此三度
搗末水服方寸七日三

斗門方治火眼

用艾燒令煙起以椀蓋之候煙上椀成煤取下
用溫水調化洗火眼卽差更入黃連甚妙

廣利方治眼築損努肉出

生杏仁七枚去皮細嚼吐於掌中及熱以綿裹
箸頭將點努肉上不過四五度差

藥性論云

空心用鹽揩齒少時吐手中洗眼夜見小字良
顧含養嫂失明

含嘗藥視膳不冠不食嫂目疾須用蚺地膽含
計盡求不得有一童子以一合授含含開乃蚺
地膽也童子出門化爲青鳥而去嫂目遂差

治卒耳聾諸病方第四十七

葛氏耳卒聾

取鼠膽內耳內不過三愈有人云側臥瀝一膽
盡須臾膽汁從下邊出初出益聾半日頃乃差
治三十年老聾

又方巴豆十四枚搗搗脂半兩火鎔內巴豆和取
如小豆綿裹內耳中差日一易姚云差三十年

聾

若卒得風覺耳中怳怳者

急取鹽七升甑蒸使熱以耳枕鹽上冷復易亦
療耳卒疼痛蒸熨

又方栝萋根削令可入耳以臙月猪脂煎三沸出
塞耳每日作三七日卽愈

姚氏耳痛有汁出方

熬杏仁令赤黑搗如膏以綿裹塞耳日三易三
日卽愈

聾耳耳中痛膿血出方

月下灰吹滿耳令深入無苦卽自出

耳聾菖蒲根丸

菖蒲根一寸巴豆一粒去皮心二物合搗篩分
作七丸綿裹臥卽塞夜易之十日立愈黃汁立
差

耳中膿血出方

細附子末以葱涕和灌耳中良單葱涕亦佳側

耳令入耳

耳中常鳴方

生地黄切以塞耳日十數易

小品療聾耳出膿汁散方

礬石二兩燒黃連一兩烏賊魚骨一兩三物爲散卽如棗核大綿裹塞耳日再易

更加龍骨

耳聾巴豆丸

巴豆一枚去心皮斑猫一枚去翅足二物合搗
篩綿裹塞耳中再易甚驗云此來所用則良

又方礞石菖蒲通草薰陸香杏仁草麻松脂搗篩
爲末分等蠟及鵝脂和硬和爲丸稍長用釵子
穿心爲孔先去耳塞然後內於藥日再初著痒
及作聲月餘總差殿中侯監効

耳卒痛

蒸鹽熨之

痛不可忍求死者

菖蒲附子各一分末和烏麻油煉點耳中則立
止

聾耳膿血出

車轄脂塞耳中膿血出盡愈

附方

療耳卒腫出膿水方

礬石燒末以筆管吹耳內日三四度或以綿裹

塞耳中立差

經驗方治底耳方

用桑螵蛸一箇慢火炙及八分熟存性細研入麝香一字爲末糝在耳內每用半字如神効如有膿先用綿包子撚去次後糝藥末入耳內

又方治耳卒聾

巴豆一粒蠟裹針刺令通透用塞耳中

梅師方治耳久聾

松脂三兩煉已豆一兩相和熟搗可丸通過以
薄綿裹內耳孔中塞之日一度易中

聖惠方治腎氣虛損耳聾

用鹿腎一對去脂膜切於豉汁中入粳米二合
和煮粥入五味之法調和空腹食之作羹及酒
並得

杜壬方治耳聾因腎虛所致十年內一服愈蠟至
小者四十九枚生薑如蠟大四十九片二物銅

器內炒至生薑乾爲度爲末都作一服初夜溫
酒下至二更盡盡量飲酒至醉不妨次日耳中
如笙簧卽効

勝金方治耳聾立効

以乾地龍入鹽貯在葱尾內爲水點之

千金方治耳聾

以雄黃硫黃等分爲末綿裹塞耳中

又方酒三升漬牡荊子兩升碎之浸七日去滓任

性服盡三十年聾差

又方以醇酢微火煎附子削令尖塞耳効

外臺秘要治聾

芥子搗碎以人乳調和綿裹塞耳差

楊氏產乳方療耳鳴無晝夜

又烏頭燒作灰菖蒲等分爲末綿裹塞耳中日再

用効

治耳爲百蟲雜物所入方第四十八

葛氏百蟲入耳

以好酒灌之起行自出

又方閉氣令人以蘆吹一耳
才閉塞塞耳中日

蜈蚣入耳

以樹葉裹鹽灰令熱以塗耳冷復易立出

蚰蜒入耳

熬胡麻以葛囊貯枕之蟲聞香則自出

蟻入耳

炙豬脂香物安耳孔邊卽自出

神効方蚰蜒入耳

以牛酪灌滿耳蚰蜒卽出當半銷若入腹中

空腹食好酪一二升卽化爲黃水而出不盡更

作服千用神驗無比此方是近得

又方小鷄一隻去毛足以油煎令黃筋穿作孔枕

之

又方取蚯蚓內葱葉中並化爲水滴入耳中蚰蜒

亦化爲水矣

附方

勝金方王百蟲入耳不出

以鷄冠血滴入耳內卽出

又千金方擣韭汁灌耳中差

又方治耳中有物不可出

以麻繩剪令頭散傅好膠著耳中物上粘之令

相著徐徐引之令出

又梅師方取車釭脂塗耳孔中自出

續十全方治蟲入耳

秦椒末一錢醋半盞浸良久少少灌耳蟲自出

外臺秘要治蟻入耳

燒鮫鯉甲末以水調灌之即出

劉禹錫傳信方治蚰蜒入耳

以麻油作煎餅枕臥須臾蚰蜒自出而差李元

淳尚書在河陽日蚰蜒入耳無計可爲半月後
腦中洪洪有聲腦悶不可徹至以頭自擊門柱
奏疾狀危極因發御藥以療之無差者爲受苦
不念生存忽有人獻此方乃愈

兵部手集治蚰蜒入耳
小蒜汁理一切蟲入耳皆同

錢相公篋中方治百節蚰蜒并蟻入
以苦醋注之起行卽出

聖惠方治飛蛾入耳

醬汁灌入耳卽出又擊銅器於耳傍

經驗方治水入耳

以薄荷汁點立効

治卒食噎不下方第四十九

葛氏方取少蜜含之卽立下

又方取老牛涎沫如棗核大置水中飲之終身不

復患噎也

附方

外臺秘要治噎

羚羊角屑一物多少自在末之飲服方寸七亦

可以角摩噎上良

食醫心鏡治卒食噎

以陳皮一兩湯浸去穢焙爲末以水一大盞煎

取半盞熱服

聖惠方治膈氣咽噎噎塞飲食不下

用碓搗上細糠蜜丸彈子大非時含一丸嚙津

廣五行記云永徽中絳州僧病壹不下食告弟子

吾死之後便可開吾胃喉視有何物言終而卒

弟子依言而開視胃中得一物形似魚而有兩

頭遍體是肉鱗弟子置器中跳躍不止戲以諸

味皆隨化盡時夏中藍多作澱有一僧以澱置

器中此蟲遂遠器中走須臾化爲水

治卒諸雜物鯁不下方第五十

食諸魚骨鯁

以魚骨於頭上立即愈下云警欬卽出

又方小嚼薤白令柔以繩擊中持繩端吞薤到鯁處引之鯁當隨出

療骨鯁

仍取所餘者骨左右手反覆擲背後立出

雜物鯁方

解衣帶目窺下部卽出

又方好蜜以匕抄稍稍咽之令下

魚骨鯁在喉中衆法不能去者方

取飴糖丸如雞子黃大吞之不去又吞以漸大
作丸用得効

附方

斗門方治骨鯁

用鹿角爲末含津嚥下妙

外臺秘要療鯁

取虎骨爲末水服方寸匕

又方蝮蛇腦一物吞亦治刺不出傅之刺卽出

又方口稱鷓鴣則下

又古今錄驗療魚鯁骨橫喉中六七日不出取鯉魚鱗皮合燒作屑以水服之則出未出更服

勝金方治小兒大人一切骨鯁或竹木簽刺喉中不下方

又於臘月中取鰕魚膽懸北簷下令乾每魚鯁卽

取一皂子許以酒煎化溫溫呷若得逆便吐骨
卽隨頑涎出若未吐更喫溫酒但以吐爲妙酒
卽隨性量力也若未出更煎一塊子無不出者
此藥但是鱗物在藏腑中日久痛黃瘦甚者服
之皆出若卒求鱖魚不得蠡魚鮭魚鯽魚俱可
臘月收之甚佳

孟詵云人患卒瘕

取杏仁三分去皮尖熬別杵桂一分和如泥取

李核用綿裹含細細嚙之日五夜三

治卒誤吞諸物及患方第五十一

葛氏誤吞釵方

取罐曝令萎煮使熟勿切食一大束釵卽隨出
生麥菜若節縷皆可用

誤吞釘及箭金針錢鐵等物方

多食肥羊脂諸般肥肉等自裹之必得出

吞諸珠璫鐵而鯁方

燒弩銅令赤內水中飲其汁立愈

誤吞錢

燒火炭末服方寸匕卽出小品同

又方服蜜三升卽出

姚氏食中吞髮繞喉不出方

取梳頭髮燒作灰服一錢匕

吞鑲若指彊

燒鵝羽數枚末飲之

吞錢

勝月米餉頓服半升

又方濃煎艾汁服効

附方

聖惠方治誤吞銀環子釵子

以水銀半兩服之再服即出

又方治小兒誤吞針

用礪石如棗核大磨令光鑽作竅絲穿令含針

自出

又方治小兒誤吞銅鐵物在咽喉內不下

用南燭根燒細研熟水調一錢下之

錢相公篋中方療誤吞錢

以礬石棗許大一塊含之立出

又方取艾蒿一把細剉用水五升煎取一升頓服
便下

又外臺秘要

取飴糖一斤漸漸盡食之饜及釵便出

又楊氏產乳

藁耳頭一把以水一升浸水中十餘度飲水愈
孫川和方治誤吞金銀或錢在腹內不下方

石灰一杏核大硫黃一皂子大同研爲末酒調
下不計時候

姚氏方治食中誤吞髮繞喉不出

取已頭亂髮燒作灰服一錢七水調

陳藏器云

故鋸無毒主誤吞竹木入喉咽出入不得者燒
令赤漬酒中及熱飲並得

治面皴髮禿身臭心憺鄙醜方第五十二
葛氏療年少氣充面生皴瘡

胡粉水銀臘月豬脂和熟研令水銀消散向曉
以粉面曉拭去勿水洗至暝又塗之三度卽差

姚方洞

又方塗麋脂即差

又方三歲苦酒漬雞子三宿軟取白以塗上

隱居効方跑瘡方

黃連牡蠣各二兩二物搗篩和水作泥封瘡上

濃汁粉之神驗

冬葵散

冬葵子栢子仁茯苓瓜瓣各一兩四物爲散食

後服方寸七日三酒下之

療面及鼻酒皰方

真珠胡粉水銀分等豬脂和塗又鷓鴣矢和臘
月豬脂塗亦大驗神効

面多黧黯或似雀卵色者

苦酒煮木常以拭面稍稍自去

又方新生雞子一枚穿去其黃以朱末一兩內中
漆固別方云蠟塞以雞伏著例出取塗面立去
面白又別方出西王母枕中陳朝張貴妃常用

膏方雞子一枚丹砂二兩末之仍云安白雞腹
下伏之餘同雞子令面皮急而光滑丹砂發紅
色不過五度傅面面白如玉光潤照人大佳
卒病餘而如米粉傅者

熬礬石酒和塗之姚云不過三度

又方白歛二分杏仁半分雞矢白一分擣下以蜜
和之雜水以拭而良

療人頭面患癰瘍方

雄黃硫黃礬石末豬脂和塗之

又方取生樹木孔中蚱汁拭之末桂和傳上日再

三

又方蚰蛻皮執以磨之數百度令熱乃棄草中勿

顧

療人面體黎黑膚色鹿陋皮厚狀醜

細搗殺羊脰骨雞子白和傳面乾以白梁米泔

汁洗之三日如素神効

又方蕪菁子二兩杏仁一兩並搗破枯蕪去子麩
豬胰五具淳酒和夜傅之寒月以爲手面膏別
方云老者少黑者白亦可加土茯苓根一兩大棗
七枚自漸白悅姚方豬胰五具神驗

隱居効驗方面黑令白去黧方

烏賊魚骨細辛枯蕪乾薑椒各二兩五物切以
苦酒漬三日以成鍊牛髓二斤煎之苦酒氣盡
藥成以粉面醜人特異鮮好神妙方

又令面白如玉色方

羊脂狗脂各一升白芷半升甘草一尺半夏半兩烏喙十四枚合煎以白器盛塗面二十日卽變兄弟不相識何況餘人乎

傳效方療化面方

真珠屑光明砂並別細研冬菰中人各二兩亦研水銀四兩以四五重帛練袋子貯之銅鐺中醋漿微火煮之一宿一日堪用取水銀和面脂

熟研使消乃合珠屑砂并芘子末更合調然後

傅面

又療人面無光潤黑黧及皺常傅面脂方

細辛萎蕤黃耆薯蕷白附子辛夷芎藭白芷各

一兩栝蔞木蘭皮各一分成鍊豬脂二升十一

物切之以綿裹用少酒漬之一宿內豬脂煎之

七上七下別出一片白芷內煎候白芷黃色成

去滓絞用汁以傅面千金不傳此膏亦療金瘡

并吐血

療人黥令人面皮薄如薜華方

鹿角尖取實白處於平石上以磨之稍濃取一

大合乾薑一大兩搗密絹篩和鹿角汁攪使調

勻每夜先以煖漿水洗面軟帛拭之以白蜜塗

面以手拍使蜜盡手指不粘爲盡然後塗藥平

旦還以暖漿水洗二三日顏色驚人塗藥不

見風日慎之

又面上暴生黥方

生杏仁去皮搗以雞子白和如煎餅麵入夜洗
面乾塗之旦以水洗之立愈姚方云經宿拭去
面上雀斑子化面並療仍得光潤皮急方

土苽根搗篩以漿水和令調勻入夜漿水以洗
面塗藥旦復洗之百日光華射人夫妻不相識
葛氏服藥取白方

取三樹桃花陰乾末之食前服方寸七日三施

云并細腰身

又方白芨子中仁五分白楊皮二分桃花四分搗
末食後服方寸七日三飲白加芨子欲赤加桃
花三十日面白五十日手足俱白又一方有橘
皮三分無楊皮

又方女苑三分鉛丹一分末以醋漿服一乃圭日
三服十日大便黑十八十九日如漆二十一日
全白便止過此太白其年過三十難復療服藥

忌五辛

又方朱丹五兩桃花三兩末并朝水服方寸七日
三服十日知二十日太白小便當出黑汁

又方白松脂十分乾地黄九分乾漆五分熬附子
一分炮桂心二分擣下篩蜜丸服十九日三諸
蟲悉出便肥白

又方乾薑桂甘草分等末之且以生雞子一枚內
一升酒中攪溫以服方寸七十日知一月白光

潤

又方去黑

羊膽豬胰細辛等分煎三沸塗面麝且醋漿洗之

又方茯苓白石脂分等蜜和塗之日三度

服一種藥一月卽得肥白方

大豆黃炒春如作醬滓取純黃一大升搗篩煉豬脂和令熟丸酒服二十九日再漸加至三四

備急方
十九服盡五升不出一月卽大能食肥白試用
之

療人鬚鬢禿落不生長方

麻子人三升秦椒二合置泔汁中一宿去滓日
一沐一月長二尺也

又方蔓荆子三分附子二枚碎酒七升合和器中
封二七日澤沐十日長一尺勿近面上恐有毛
生

又方桑白皮剉三二升以水淹煮五六沸去滓以
洗鬚鬢數數爲之卽自不落

又方麻子人三升白桐葉一把米泔煮五六沸去
滓以洗之數之則長

又方東行桑根長三尺中央當髀節上蒸之承取
兩頭汁以塗鬚鬢則立愈

療鬚鬢黃方

燒梧桐灰乳汁和以塗膚及鬚鬢佳

染髮鬚白令黑方

醋漿煮豆漆之黑如漆色

又方先洗鬚髮令淨取石灰胡粉分等漿和溫夕
臥塗訖用油衣包裹明日洗去便黑大佳

又拔白毛令黑毛生方

拔去白毛以好白蜜維孔中卽生黑毛眉中無
毛亦針挑傷傅蜜亦毛生比見諸人水取石子
研丁香汁拔訖急手傅孔中亦卽生黑毛此法

大神驗

若頭風白屑撿風條中方脂澤等方在此篇末

姚方療黥

白蜜和茯苓塗上滿七日卽愈

又療面胡粉刺方

搗生菟絲絞取汁塗之不過三五上

又黑面

牯羊膽牛膽淳酒三升合煮三沸以塗面良

面上惡瘡方

黃連黃蘗胡粉各五兩下篩以粉面上瘡瘡方
並出本條中患宜檢用之

葛氏療身體及腋下狐臭方

正旦以小便洗腋下卽不臭姚云大神驗

又方燒好礬石作末絹囊貯常以粉腋下又用馬
齒礬石燒令汁盡粉之卽差

又方青水香二兩附子一兩石灰一兩細末著粉

腋中汁出卽粉之姚方有礬石半兩燒

又方炊飯及熟丸以拭腋下臭仍與犬食之七日
一如此卽差

又方煮兩雞子熟去殼皮各內腋下冷棄三路口
勿反顧三爲之良

姚方取牛脂胡粉合椒以塗腋下宿卽愈可三
兩度作之則永差

又兩腋下及手足掌陰下股裏常汗濕致臭方

乾枸杞根乾菑根甘草半兩乾章陸胡粉滑石
各一兩六物以苦酒和塗腋下當汁出易衣更
塗不過三傅便愈或更發復塗之不可多傅傷
人腋餘處亦塗之

若股內陰下常濕且皸或作瘡者方

但以胡粉一分粉之卽差常用驗方

隱居効方療胡皸

雞舌藿香青木香胡粉各二兩爲散內腋下綿

裏之常作差

令人香方

白芷薰草杜若杜蘅藁本分等蜜丸爲丸但日
服三丸暮服四丸二十日足下悉香云大神驗
又方瓜子芎藭藁本當歸杜蘅細辛各二分白芷
桂各五分擣下食後服方寸七日三服五日口
香一十日肉中皆香神良

小品又方

甘草松樹根及皮大棗甜瓜子四物分等末服
方寸七日三二十日覺効五十日身體並香百
日衣服床幃皆香姚同

療人心孔昏塞多忘喜誤

七月七日取蜘蛛網着領中勿令人知則永不
忘也姚方同

又方丁酉日密自至市買遠志著巾角中還末服
之勿令人知姚同

又方丙午日取鼈甲著衣帶上良

又方取牛馬豬雞心乾之末向日酒服方寸七日

三問一知十

孔子大聖智枕中方已出在第九卷姚同

又方茯苓茯神人參五分遠志七分菖蒲二分末

服方寸七日三夜一服

又方章陸花陰乾一百日擣末暮水服方寸七暮

臥思念所欲知事卽於眠中醒悟

又方上黨人參半斤七月七日麻勃一升合搗蒸
使氣盡遍服一刀圭暮臥逆知未然之事

療人嗜眠喜睡方

馬頭骨燒作灰末服方寸七日三夜一

又方艾鼠目一枚燒作屑魚膏和注目外眥則不
肯眠兼取兩目絳囊裹帶

又方麻黃朮各五分甘草三分日中南搗末服一
方寸七日三姚方人不忘

菖蒲三分茯苓五分茯神人參各五分遠志七分末服方寸七日三夜一五日則知神良

重出

傅用方頭不光澤臘澤飾髮方

青木香白芷零陵香甘松香澤蘭各一分用綿裹酒漬再宿內油裏煎再宿加臘澤斟酌量硬軟卽火急煎著少許胡粉胭脂訖又緩火煎令粘極去滓作挺以飾髮神良

作香澤塗髮方

依臘澤藥內漬油裏煎卽用塗髮亦綿裏煎之
作手指法

猪胰一具白芷桃人碎各一兩辛夷各二分冬
菰人二分細辛半分黃芩栝藹人各三分以油
一大升煮白芷等二三沸去滓接猪胰取盡乃
內冬菰桃人末合和之膏成以塗手掌卽光

葦豆香藻法

葦豆一升白附芎藭白芍藥水栝藹商陸桃人

冬菘人各二兩擣篩和合先用水洗手面然後
傅藥粉飾之也

六味薰衣香方

沉香一片麝香一兩蘇合香蜜塗微火炙少令
變色白膠香一兩擣沉香令破如大豆粒丁香
一兩亦別擣令作三兩段擣餘香訖蜜和爲炷
燒之若薰衣著半兩許又藿香一兩佳

葛氏既有膏傅面染髮等方故䟽脂澤等法亦粉

飾之所要云

髮生方

蔓荊子三分附子二枚生用並碎之二物以酒
七升和內篋器中封閉經二七日藥成先以灰
汁淨洗鬚髮痛拭乾取烏雞脂指一日三遍凡
經七日然後以藥塗日三四遍四十日長一尺
餘處則勿塗

附方

肘後方姚氏療黥

茯苓末白蜜和塗上滿七日卽愈

又方療面多雀斑如雀卵色

以殺羊膽一枚酒二升合煮三沸以塗拭之日

三度差

千金方治血黥面皴

取蔓菁子爛研入常用面脂中良

崔元亮海上方滅癍膏

以黃礬石燒令汁出胡粉炒令黃各八分惟須
細研以臙月豬脂和更研如塋先取生布揩令
痛則用藥塗五度又取鷹屎白鷺窠中草燒作
灰等分和人乳塗之其癩自滅肉平如故

又方治面黧黑子

取李核中人去皮細研以雞子白和如稀飭塗
至晚每以淡漿洗之後塗胡粉不過五六日有

神慎風

孫真人食忌去麩子

取石灰炭上熬令熟插糯米於灰上候米化卽
取米點之

外臺秘要救急去黑子方

夜以暖漿水洗面以布揩黑子令赤痛水研白
檀香取濃汁以塗之旦又復以漿水洗面仍以
鷹糞粉黑子

又令面生光方

以蜜陀僧用乳煎塗面佳兼治疔鼻炮

聖惠方治黥黯斑點方

用密陀僧五兩細研以人乳汁調塗面每夜用

之

又方治黑痣生於身面上

用藜蘆灰五兩水一大椀淋灰汁於銅器中貯

以重湯煮令如黑膏以針微撥破痣處點之良

不過三徧神驗

又方生眉毛

用七月烏麻花陰乾爲末生烏麻油浸每夜傅

之

千金翼老人令面光澤方

大豬蹄一具洗淨理如食法煮漿如膠夜以塗
面曉以漿水洗面皮澤矣

譚氏小兒方療豆瘡癩面廕

以蜜陀僧細研水調夜塗之明旦洗去平復矣

有治癰瘍三方具風條中
千金方治諸腋臭

伏龍肝澆作泥傅之立差

外臺秘要治狐臭若股內陰下恒濕鼻或作瘡
青木香好醋浸致腋下夾之卽愈

又生狐臭

以三年醞醋和石灰傅之

經驗方善治狐臭

用生薑塗腋下絕根本

又方烏髭鬚駐顏色壯筋骨明耳目除風氣潤肌膚久服令人輕健

蒼朮不計多少用米泔水浸三兩日逐日換水候滿日卽出刮去黑皮切作片子暴乾用慢火炒令黃色細搗末每一斤末用蒸過茯苓半斤煉蜜爲丸如梧桐子大空心臥時溫熟水下十五丸別用朮末六兩甘草末一兩拌和勻作湯

點之下米丸妙忘桃李雀蛤及三白

千金方治髮落不生令長

麻子一升熬黑壓油以傅頭長髮妙

又治髮不生

以羊屎灰淋取汁洗之三日一洗不過十度卽

生

又治眉髮髭落

石灰三升以水拌勻燂火炒令焦以絹袋貯使

好酒一斗漬之密封冬十四日春秋七日取服
一合常令酒氣相接嚴云百日卽新髭髮生不
落

孫真人食忌生髮方

取側栢葉陰乾作末和油塗之

又方令髮鬢烏黑

醋煮大豆黑者

又方治頭禿

傳急方 卷之六
蕪菁子末酢和傅之日三

梅師方年少髮白拔去白髮

以白蜜塗毛孔中卽生黑者髮不生取梧桐子
搗汁塗上必生黑者

千金翼療髮黃

熊脂塗髮梳之散頭入床底伏地一食頃卽出
便盡黑不過一升脂驗

楊氏產乳療白禿瘡及髮中生癬

取熊白傅之

又療禿瘡

取虎膏塗之

聖惠方治白禿

以白鴿糞搗細羅爲散先以醋米泔洗了傅之
立差

又治頭赤禿

用白馬蹄燒灰末以臘月豬脂和傅之

簡要濟衆治頭瘡

大笋殼葉燒爲灰量瘡大小用灰調生油傅入
少膩粉佳



葛仙翁肘後備急方卷之六